

欽定古今圖書集成/博物彙編/藝術典/第 330卷



以2024年12月26日从维基文库导出



欽定古今圖書集成博物彙編藝術典

第三百三十卷目錄

醫部彙考三百十

腫脹門三

方 防己黃芪湯 防己茯苓湯 越婢湯 越婢加朮湯 麻黃附子
湯 黃芪芍藥桂枝

苦酒湯 桂枝加黃芪湯 甘草麻黃湯 枳朮湯 桂
枝去芍藥加麻黃附子細辛湯 防

己椒蘆丸 厚朴七物湯 中滿分消丸 半夏厚朴湯
木香順氣湯 木香塌氣丸 實

脾飲 復元丹 導滯通經湯 胃苓湯 消風敗毒散
加減金匱腎氣丸 調榮飲 烏

鯉魚湯 防己散 導水茯苓湯 大腹皮散 楮白皮
散 木香丸 海蛤丸 檳榔散

五皮散 五皮散 疏鑿飲子 調胃白朮澤瀉散 漢
防己煮散 葶蘆丸 白朮木香散

分氣補心湯 當歸散 無礙丸 木香分氣湯 沉香琥珀丸 人參木香散 大沉香

尊重丸 續隨子丸 補中治濕湯 澤瀉散 黃米丸 漆雄丸 煨腎丸 退腫塌氣散

葶藶木香散 桂朮湯 桂苓湯 丹房奇術 塗臍膏 消河餅 加減胃苓湯 四苓

五皮湯 集香湯 三仁丸 椒豉丸 海金沙散 木香塌氣丸 木香散 大異香散

大半夏湯 人參丸 大溫中丸 禹餘糧丸 木香化滯散 導氣丸 參香散 平肝飲

子強中湯 敷藥方 草豆蔻湯 葶藶木香散 白朮木香散 二氣散 家傳正氣散

行濕補氣養血湯 消脹飲子 金陵酒丸 調胃散 金蟾散 牛皮丸 蘇沉破結湯

回生丹 推車丸 導水餅 消河餅 復元丹 四苓散

藝術典第三百三十卷

醫部彙考三百十醫部彙考三百十

腫脹門三腫脹門三

方方

防己黃芪湯 仲景下同 防己黃芪湯〈仲景下同〉

治風水脈浮身重，汗出惡風者。

防己一兩 黃芪一兩二錢 白朮七錢半 甘草炙，半兩

右剉，每服五錢匕，生薑四片，棗一枚，水一盞半，煎取八分，去滓溫服，良久再服。腹痛加芍藥。

謹按：脈浮，表也。汗出惡風，表虛也。身重，水客分肉也。防己療風腫水腫，通腠理，黃芪溫分肉，補衛虛。白朮治皮風止汗，甘草和藥益土。生薑、大棗，辛甘發散。腹痛者，陰陽氣塞，不得升降，再加芍藥收陰。

防己茯苓湯防己茯苓湯

治皮水為病。四肢腫。水氣在皮膚中。四肢聶聶動者。

防己 黃芪、 桂枝各三兩， 白茯苓六兩， 甘草二兩
右，水六升，煮取二升，分溫三服。

謹按：本方與上風水相彷彿，蓋同一開鬼門，而標中之本，則微有分。風水下鬱其土氣，則用白朮崇土，薑棗和中。皮水內合於肺，金鬱泄之水漬於皮，宜淡滲之，故以茯苓湯、白朮加桂枝，解肌散水於外，不用薑、棗之和於中也。況四肢聶聶，風在榮衛，觸動經絡，桂枝尤不可少耶。

越婢湯越婢湯

治「風水惡風，一身悉腫，脈浮不渴，續自汗出，無大熱者。」

麻黃六兩， 石膏五錢， 甘草二兩， 生薑三兩， 大棗十五枚。

右以水六升，先煮麻黃，去上沫，內諸藥，煮取三升，分溫三服。

謹按：麻黃甘熱，石膏甘寒，合而用之者，脾偏陰，則和以甘熱；胃偏陽，則和以甘寒。至於風熱之陽，水寒之陰，凡不和於中土者，罔不咸宜。何者？中土和而後水穀化其精悍之氣，以實榮衛；不和則榮衛虛而或寒或熱之氣，皆得壅塞其隧道，而不通於表裏。

所以在表之風水用之，而在裏之水兼渴而小便自利者，亦必用之。無非欲其不害中土耳。不害中土。自足消患於方萌。又何汎濫之為憂哉。

越婢加朮湯越婢加朮湯

治裏水一身面目黃腫。其脈沉。小便不利。故令病水。假如小便自利。此亡津液故渴。此湯主之。

麻黃六兩， 《石膏》半兩， 《白朮》四兩， 生薑三兩， 大棗十五枚， 甘草二兩

右以水六升，先煮麻黃，去上沫，內諸藥，煮取三升，分溫三服。

謹按前條風水續自汗出，無大熱，故用越婢湯。設不汗出，且大熱，表法當不止此也。此條裏水，假如小便自利，亡津而渴，故用越婢加朮，不爾，裏法當不止此也。曰無大熱，則有熱可知；曰裏水，乃軀殼之裏，非臟腑之裏可知，故俱用越婢湯也。

麻黃附子湯麻黃附子湯

治水病，其脈沉小，屬少陰，浮者為水，無水虛脹者為氣水，發其汗即已，脈沉者宜此方。

麻黃三兩 甘草二兩 附子一枚，炮

右水七升，先煮麻黃，去上沫，內二味，煮取二升半，溫服八合，日三服。

杏子湯未見，恐是麻黃杏仁甘草石膏湯前證。脈浮者宜此方。

謹按此論少陰正水之病，其脈自見沉小，殊無外出之意。若脈見浮者，風發於外也。無水虛脹者，手

太陰氣鬱不行也。風氣之病，發其汗則自已耳。即脈沉無他證者，當做傷寒少陰例，用麻黃附子甘草湯，盪動其水以救腎；若脈浮者，其外證必自喘，當做傷寒太陽例，用麻黃杏子甘草石膏湯，發散其邪以救肺。此治金水二臟之大法也。

黃芪芍藥桂枝苦酒湯黃芪芍藥桂枝苦酒湯

治黃汗，因汗出入水浴，水從汗孔入，病身體腫，發熱汗出而渴，狀如風水，汗沾衣，色正黃如蘘汁，脈自沉。

黃芪五兩， 芍藥、 桂枝各三兩

右三味，以苦酒一升，水七升相和，煮取三升。溫服一升，當心煩，服至六七日乃解。若心煩不止者，以苦酒阻故也。一方用美酒醢代苦酒。

謹按：此方蓋以汗出而衛氣不固，外水入搏於營，鬱而為熱，熱盛則腫而發黃，熱盛則耗其精液而作渴，故以黃芪固護其衛，以桂枝本方加苦酒，引入營分，散其水寒之邪。其不用薑、棗者，所重在衛氣虛，恃黃芪實衛之大力耳。

桂枝加黃芪湯桂枝加黃芪湯

治黃汗兩脛自冷

桂枝， 芍藥， 生薑各三兩， 大棗十二枚。

黃芪 甘草各二兩。

右六味，以水八升，煮取三升，溫服一升，須臾飲稀粥一升餘，以助藥力，溫覆取微汗，若不汗更服。謹按《桂枝全方》，啜熱粥助其得汗，加黃芪固衛，以其發熱，故用桂枝；以其自汗盜汗，故加黃芪也。其發汗已，仍發熱，邪去不盡，勢必從表解之，汗出輒輕，身不重也。久久身潤胸中痛，又以過汗傷其衛外之陽，並胸中之陽也。腰以上有汗，以下無汗，陽通而陰不通，上下痞隔，更宜黃芪固陽，桂枝通陰。其黃汗與歷節有分，陽火獨壅於上為黃汗，陰水獨積於下為兩脛冷。陽火盛及肌肉則發熱，陰水寒及筋骨則歷節痛，源同而流不同也。食已汗出者，食入於所長之陽，與勞氣相搏，散出為汗，乃至氣門不閉，津液常泄，暮為盜汗也。甲錯者，皮間枯澇，如鱗甲錯出也。發熱不已，熱入肉腠，必生惡瘡，瘤結癰膿也。腰臄弛痛，如有物在皮中狀，即《內經》「痛痺逢寒則蟲」之類也。小便不利，津液從汗越也。不能食，脾胃氣虛不化穀也。身體重，衛氣不充分肉也。煩躁，胃熱上熏心肺也。治黃汗之法，盡發於此矣。

甘草麻黃湯甘草麻黃湯

甘草二兩， 麻黃四兩。

右二味，以水五升，先煮麻黃，去上沫，內甘草，煮取三升，溫服一升。重覆汗出，不汗再服。慎風寒。有人患氣促，積久不差，遂成水腫，服此湯得效。

枳朮湯枳朮湯

枳實七枚， 白朮三兩。

右二味，以水五升，煮取三升，分溫三服。腹中臈，即當散也。

觀此可見仲景之法，皆用脈病為本，然後量輕重虛實而施治，皆守《聖經》之法耳。後世治水腫方有五皮散，香蘇散中用薑、桔、紫蘇、大腹皮辛以散之；茯苓、防己、木通、桑皮，淡以滲之，是開鬼門，潔淨府，同用也。俗醫因病者急求一時之效，以破氣去水為功，不知過一二日，則病復至而不可救。其故有二：一以病人不善調攝，一以醫悞投下藥之過，竭其陰陽，絕其胃氣，此所以水腫之病多死。

桂枝去芍藥加麻黃附子細莘湯桂枝去芍藥加麻黃附子細莘湯

桂枝、 生薑各三兩， 大棗十二枚， 麻黃

《細莘》、 甘草各二兩， 附子炮，一枚。

右七味，以水七升，先煮麻黃，去上沫，內諸藥，煮取二升，分溫三服，當汗出，如蟲行皮中，即愈。

防己椒蔞丸防己椒蔞丸

防己 椒目 炙葶蔞 大黃各一兩

右末之，蜜為丸，桐子大。先食飲服十丸，日三服。稍增，口中自有津液。渴者，加芒硝五錢。

厚朴七物湯厚朴七物湯

厚朴半斤 甘草 大黃各三兩 大棗十枚 枳實五枚，剉
桂枝三兩 生薑五兩

右，水一斗，煮取四升，溫服八合，日三服。嘔者，加半夏五合；下利，去大黃；寒多者，加生薑至半斤。

中滿分消丸 東垣下同 中滿分消丸〈東垣下同〉

治中滿熱脹。有寒者不治。

黃芩炒夏月一兩二錢 薑黃 白朮 人參炙甘草 豬苓各一錢 知母炒，四錢 乾薑 白茯苓 砂仁各二錢 厚朴薑炙，一兩 澤瀉 陳皮各三錢 枳實炒 半夏泡 黃連炒，各五錢

右除茯苓、澤瀉、生薑外，共為細末，入上三味和勻，湯浸蒸餅為丸如桐子大，每服一百丸，白湯下，食後服。量病人大小加減。

半夏厚朴湯半夏厚朴湯

半夏一錢 厚朴八分， 炒麴六分 當歸梢 豬苓、 荊三稜、 升麻各四分 肉桂 白茯苓 蒼朮 澤瀉 橘皮、 生黃芩、 草豆蔻仁

生甘草、 柴胡各三分， 木香、 青皮各二分， 桃仁七箇， 吳茱萸、 乾生薑、 黃連各一分， 紅花、 蘇木各半分， 昆布少許。

右，水二鍾，煎至一鍾，去粗稍熱服。二服後，前證減一半，卻於前藥中加減服之。渴，加葛根三分。

木香順氣湯木香順氣湯

治「濁氣在上，則生膈脹，兩脅刺痛，脈弦而細者。」

木香 蒼朮 草豆蔻麴裏煨，各三分 青皮 益智仁 陳皮 澤瀉 乾薑 白茯苓 半夏 吳茱萸湯泡，各二分 厚朴製，四分 當歸

人參各五分， 升麻、 柴胡各一錢。

右，水二盞，煎至一盞，去粗溫服，食前。忌生冷硬物。

木香塌氣丸木香塌氣丸

治中滿腹脹，下焦虛損者。

蘿蔔子炒 橘紅各五錢 胡椒二錢 木香 草豆蔻麩煨
青皮各三錢 《蠍稍去毒》，二錢半

右為細末，麩糊為丸桐子大，每服三十丸，溫米飲下。忌油膩，服「白粥百日，重者一年，小兒丸如麻子大，桑白皮湯下十九丸，日三服。」大人陰囊紅腫冰冷，用青鹽、乾薑白麩各三錢，水和攤紙上塗貼。

實脾飲 濟生方 實脾飲〈濟生方〉

治陰水發腫，用此先實脾土。

厚朴去皮薑製 白朮 木瓜去穰 大腹子 附子炮 木香
不見火 草果仁 白茯苓去皮 乾薑炮，各一兩 甘草
炙，半兩

右咬咀，每服四錢，水一盞，薑五片，棗一枚，煎七分，不拘時溫服。一方木香、炮薑俱減半。

謹按：治水以實土為先務，不但陰水為然。而本方云：「治陰水發腫，用此先實脾土」，是以陰水當補，陽水當瀉故耳。夫陰水者，由於少陰腎中之真陽衰微，不能蟄藏，故至泛濫無制，法當用桂，以溫腎水，而後實土堤之防。方中不用桂，而用厚朴、檳榔，臨病之工，尚其審之。

復元丹 三因方 復元丹〈三因方〉

治「脾腎俱虛，發為水腫，四肢虛浮，心腹堅脹，小便不通，兩目下腫。」

附子炮，二兩 木香煨 茴香炒 川椒炒出汗 厚朴去粗皮薑製 獨活 白朮炒 陳皮去白 吳茱萸炒 桂心各一兩 澤瀉一兩半 一方用二兩 肉豆蔻、煨 檳榔各五錢。

右為細末，糊丸如梧桐子大。每服五十丸，不拘時紫蘇湯下。

《得效》云：「心腎真火，能生脾胃真土。今真火既虧，不能滋養真土，故土不制水，水液妄行，三焦不瀉，樞機不運，腫脹滿溢，喘息奔急，股冷舌乾，不能正偃，小便不通。此藥世傳屢驗，其間君臣佐使，與造物同妙。當屏去諸藥，一日三服，且禁慾絕鹹半年。」謹按：此方合前方，俱主脾腎之治，而此方溫煖腎臟之品居多，較勝前方。然不用茯苓。而用檳榔、厚朴之為未當耳。

導滯通經湯 寶鑑 導滯通經湯〈寶鑑〉

治脾濕有餘，及氣不宜通，面目手足浮腫。

木香、白朮、桑白皮、陳皮各五錢，茯苓一兩。

右咬咀，每服五錢，水二盞，煎至一盞，去查溫服，空心食前。《內經》曰：「濕淫所勝，平以苦熱，以苦燥之，以淡泄之。」陳皮苦溫，理肺氣，去滯氣，故以為主；桑白皮甘寒，去肺中水氣，水腫臃脹，利水道，故以為佐；木香苦辛溫，除肺中滯氣；白朮苦甘溫，能除濕和中，以苦燥之；白茯苓甘平，能止渴除濕，利小便，以淡滲之，故以為使也。

謹按脾濕有餘，及氣不宣通，即是脾中健運之陽不足，法當先理其陽，以佐行健之力，然後用此方退其浮腫，乃為善也。

胃苓湯胃苓湯

官桂五分， 蒼朮、 厚朴、 薑汁炒 陳皮、 白朮、 茯苓各錢半， 澤瀉、 豬苓各一錢， 甘草六分。

右加生薑水煎服

謹按。此方宣導胃水、膀胱水，順道而出，水患在所必用，然腎水既竭，津液已虧，用之不免蹈重虛之戒。若無病人，但覺不服水土，與此方相宜。

消風敗毒散消風敗毒散

治風水皮水，凡在表宜從汗解者。

人參 獨活 柴胡 桔梗 枳殼麩炒 羌活 白茯苓 川芎 前胡 甘草 荊芥穗。

防風各一錢。

右，水二鍾，薑三片，煎八分，食遠服。

謹按。此方即人參敗毒散合荊防敗毒散並用也。

以人參為君，固護元氣，固可恃之無恐。然仲景汗法，必兼黃芪實表，蓋恐表虛之人，元氣乘表藥外湧，盡漬皮腠，反為大累。若元氣素虛，腠理素疏者，必參、芪合用，乃為盡善。

加減金匱腎氣丸加減金匱腎氣丸

治肺腎虛，腰重腳腫，小便不利，或肚腹脹，四肢浮腫，或喘急痰盛，已成蠱證，其效如神。此證多因脾胃虛弱，治失其宜，元氣復傷而變證者，非此藥不能救。

茯苓 《製附子》 牛膝 官桂 澤瀉 車前子 山萸
山藥 丹皮各一兩 熟地黃四兩，酒拌

右為末，以地黃杵膏，加煉蜜丸桐子大，每服七八十丸，空心白湯下。

謹按本方《濟生》以附子為君，此薛新甫新定以白茯苓為君，合之牛膝、車前，治腰以下之水，其功最大。然非藉附子生陽，蒸動腎氣，則腎之關門不開，積水仍不得下。蓋陽主開，腎之陽氣動，則關開矣。關開雖不用茯苓、牛膝、車前，而水亦下，否則，雖用茯苓、牛膝、車前無筭，亦無如之何，屢試屢驗。

調榮飲調榮飲

治療血化為水，四肢浮腫，皮肉赤紋，名曰「血分。」

蓬朮 川芎 當歸 延胡索 白芷 檳榔 陳皮 赤芍藥
桑白皮炒 大腹皮 赤茯苓 葶藶炒 瞿麥各一錢 大黃
一錢五分 細莘 官桂 甘草炙，各五分

右作一服，煎服法同前。

謹按。此方多峻利之藥，作一服云者，原不欲多用，恐傷元氣也。若服後其水不行，赤紋不減，未可再服，且用治血補氣，三五日徐進此方。虛證者必加參、附大力以主持之，乃能奏效。

烏鯉魚湯烏鯉魚湯

治水氣四肢浮腫

烏鯉魚一尾， 赤小豆、 桑白皮 白朮炒

陳皮各三錢。

右用水三碗，蔥白五莖同煮，不可入鹽，先喫魚，後服藥，不拘時服。

謹按：烏鯉魚煖胃行水，合之赤豆、蔥白，以開鬼門，潔淨府；更合之白朮、陳皮、桑白皮，清理脾肺，此方之平穩者。

防己散防己散

治脾水腫。如裹水在皮膚中。四肢習習然動。

漢防己 桑白皮 桂心 黃芪炙，各一兩 赤茯苓二兩
甘草炙，半兩

右咬咀，每服五錢，水一大盞，煎至五分，去滓，不拘時服。

謹按：此即《金匱》防己茯苓湯治皮水之方，而加桑白皮也。其證與《金匱》同。蓋以太陰肺氣不宣，鬱其榮衛，故加桑白皮泄其肺氣。然已有茯苓淡滲之則，不可過也。易桂心行水，在水道不利者宜之，不則仍當用桂枝解肌，尤為善治耳。

導水茯苓湯導水茯苓湯

「治水腫，頭面手足遍身腫如爛瓜之狀，手按而塌陷，手起隨手而高突，喘滿倚息，不能轉側，不得著牀而睡，飲食不下，小便祕澀，溺出如割而絕少，雖有而如黑豆汁者，服喘嗽氣逆，諸藥不效，用此即愈，亦常驗。其病重之人，煎此藥時，要如熬阿刺吉酒相似，約水一斗止，取藥一盞，服後小便必行，時即漸添多，直至」小便變清白者為愈。

赤茯苓 麥門冬去心。 澤瀉 白朮各三兩。 桑白皮 紫蘇 檳榔 木瓜各一兩。 大腹皮 陳皮 砂仁 木香 各七錢五分。

右咬咀，每服半兩，水二盞，燈草二十五根，煎至八分，去滓，空心服。如病重者，可用藥五兩，再加去心麥門冬二兩，燈草半兩，以水一斗，於砂鍋內熬至一大碗，再下小銚內煎至一大盞，五更空心服。查再煎服，連進此三服，自然小水日加漸利。

謹按。此方味甚平，而其煎法則甚奇，蓋得仲景「百勞水」之意，而自出手眼者。

大腹皮散大腹皮散

大腹皮 桑白皮 川芎各二兩 青皮去白 漢防己 羌活
大黃炒 檳榔 桂心各一兩 甘草炙，半兩

右咬咀，每服五錢，水一大盃，煎五分，去滓，不拘時溫服。

楮白皮散楮白皮散

楮白皮 豬苓去皮 木通各二兩 紫蘇莖葉 桑白皮各三
兩 陳皮去白，一兩

右咬咀，每服五錢，水一大盞，生薑三片，煎至六七分，去滓，不拘時溫服。

木香丸木香丸

木香 壺盧子炒 乳香各二錢半 甘遂炒黃檳榔二枚，
一生一炮 朱砂細研，各半錢

右為細末，以爛飯和，分作四十九丸，麪裹於銚內水煮熟，令患人和汁吞之，以盡為度。清晨服藥，至午時，其水便下，不計行數，水盡自止。

海蛤丸海蛤丸

赤茯苓 桑皮 葶藶隔紙炒，各一兩 海蛤研 防己各七錢半 榔李仁去皮，炒 橘紅各五錢

右為細末，煉蜜和丸，如桐子大，每服二十九，加至三十丸，米飲送下，早晚各一服。

檳榔散檳榔散

檳榔另研末，五錢， 桑白皮一兩五錢， 商陸、生薑各一兩， 甘草炙，二錢五分。

右除檳榔外，用水二大盞，煎至一大盞，去滓，五更初分作二服，每服調檳榔末二錢五分，服至平明當利，如未利再服。

五皮散 和劑 五皮散〈和劑〉

治「風濕客於脾經，氣血凝滯，以致面目虛浮，四肢腫滿，心腹膨脹，上氣促急，兼治皮水，妊娠胎水。」

五加皮、 地骨皮、 生薑皮、 大腹皮、 茯苓皮。

右各等分，咬咀，每服三錢，水一盞，煎七分，熱服無時。一方加白朮，磨沉香、木香入。

五皮散 寮方 五皮散 〈寮方〉

治他病愈後，或瘡痢後，身體面目四肢浮腫，小便不利，脈虛而大。此由脾肺虛弱，不能運行諸氣，諸氣不理，散漫於皮膚肌腠之間，故令腫滿也。

大腹皮、 赤茯苓皮、 生薑皮、 陳皮、 桑白皮。

右各等分為粗末，每服五錢，水一大盞，同煎八分，去滓溫服，不拘時，日三服。並忌生冷油膩堅硬之物。腳腫用加味五皮湯，即五皮散內加五加皮、木瓜、防己，不服水土，再入胃苓湯。

疏鑿飲子 濟生方 疏鑿飲子 〈濟生方〉

治「水氣通身浮腫，喘呼氣急，煩躁多渴，大小便不利，服熱藥不得者。」

澤瀉 商陸 赤小豆炒 羌活 椒目 木通 秦艽 白茯苓皮 大腹皮 檳榔各等分。

右咬咀，每服四錢，水一盞，薑五片，煎七八分，不拘時溫服。

調胃白朮澤瀉散 **元戎** 調胃白朮澤瀉散〈元戎〉

治痰病化為水氣。傳為水鼓，不能食。

白朮、澤瀉、芍藥、陳皮、白茯苓、生薑、木香、檳榔各等分。

右為末。一法加白朮本藥各半，治臍腹上腫如神。心下痞者，加枳實。下盛者加牽牛。

漢防己煮散 **褚澄祕方** 漢防己煮散〈褚澄祕方〉

治水腫上氣

漢防己 澤漆葉 石葦去毛 桑白皮 澤瀉 丹參 茯苓 橘皮 白朮各三兩 通草一兩 生薑切，十兩 榔李仁五合

右十二味，搗篩為散，以水一升七合，內四方寸匕，煮取八合，頓服，日二，小便利為度。

葶藶丸 葶藶丸

治肺氣喘嗽，面目浮腫，喘促不安，小便赤色。

甜葶藶隔紙炒 貝母煨黃色 木通各一兩 杏仁去皮尖雙仁，炒 防己各二兩

右為細末，用棗肉和丸，如梧桐子大，每服五十九，桑白皮煎湯，食前下。

白朮木香散 白朮木香散

治喘嗽腫滿。變成水病。不能食。不能臥。小便祕

白朮、 赤茯苓、 澤瀉各一錢五分， 木香

甘草各一錢， 官桂七分， 滑石三錢， 陳皮。

右作一服，水二鍾，生薑三片，煎一鍾，食前溫服。

分氣補心湯 分氣補心湯

治心氣鬱結，發為四肢浮腫，上氣喘急。

木通 川芎 前胡 大腹皮 青皮 白朮 枳殼麩炒 甘草炙，各一錢。 香附炒 白茯苓 桔梗各一錢五分。 細莘 木香各五分。

右作一服，水二鍾，薑三片，紅棗二枚，煎至一鍾，食前服。

當歸散 當歸散

治水腫之病，多由腎水不能攝養心火，心火不能滋養脾土，故土不制水，水氣盈溢，氣脈閉塞，滲透經絡，發為浮腫之證，心腹堅脹，喘滿不安。

當歸 桂心 木香 赤茯苓 木通 檳榔 赤芍藥 牡丹皮 陳皮 白朮各一錢三分。

右作一服，水二鍾，紫蘇五葉，木瓜一片，煎一鍾，不拘時服。

無碍丸無碍丸

治脾病濕流四肢浮腫

木香五錢，大腹皮二兩，檳榔、榔李仁、蓬朮、三稜各一兩。

右為細末，用炒麥蘖麵煮糊為丸，如梧子大。每服七八十丸。食前生薑湯送下。

木香分氣湯木香分氣湯

治氣留滯四肢，腹急中滿，胸膈脅肋膨脹。虛氣上衝。小便臭濁。

「木香、豬苓、澤瀉、赤茯苓、半夏、枳殼、檳榔、燈心草、蘇子」各等分。

右剉散，每服一兩，水二盞煎，入麝香末少許同服。

沉香琥珀丸沉香琥珀丸

治水腫一切急難證，小便不通。

橘紅、防己各七錢五分，琥珀 杏仁去皮尖 澤瀉
紫蘇 赤茯苓各五錢，葶藶隔紙炒 榔李仁去皮 沉香
各一兩五錢。

右為細末，煉蜜為丸，如梧子大，以麝香為衣。每服
二十五丸，加至五十丸，空心人參煎湯送下，量虛實
加減《辨。疑》無陳皮、防己，以萊菔子煎湯下。

人參木香散人參木香散

治水氣病

「人參 木香 白茯苓 滑石 琥珀 海金砂 枳殼 檳
榔 豬苓 甘草」各等分。

右為細末，每服五錢，生薑三片，水一盞，煎至七
分，不拘時溫服，日進三服。

大沉香尊重丸大沉香尊重丸

治蠱脹腹滿，水腫，遍身腫滿，氣逆嘔噦，喘乏，小
便赤澀，大便不調，一切中滿下虛，危困之病。

蘿蔔子炒，六錢 沉香 丁香 人參 車前子 葶藶炒
檳榔各二錢 青皮 白丑 枳實炒 木通各四錢 胡椒

海金砂 木香 茯苓 蠟梢去毒 肉豆蔻各二錢半 白丁香一錢半 滑石三錢 榔李仁去皮，一兩二錢半

右為細末，生薑自然汁煮糊為丸，如桐子大，每服二十丸，不拘時薑湯送下，日進三服。忌鹽魚果肉麵食，只可食白粥。

續隨子丸續隨子丸

治通身腫滿。喘悶不快。

人參 木香 漢防己 赤茯苓麵蒸 大檳榔 海金砂研，各五錢 續隨子一兩 葶藶炒，四兩

右為末，棗肉丸如梧子大，每服二十九至三十丸，煎「桑白皮湯送下，食前溫服。」

補中治濕湯 醫林 補中治濕湯〈醫林〉

《通》、治水病。補中行濕。

人參、白朮各一錢，蒼朮、陳皮、赤茯苓、麥冬、木通、當歸各七分，黃芩五分，厚朴、升麻各三分。

右剉，作一貼，水煎服。

澤瀉散 入門下同 澤瀉散〈入門下同〉

治水腫二便澀

澤瀉 赤茯苓 枳殼 豬苓 木通 檳榔 黑牽牛頭末，各等分。

右為末，生薑蔥白湯調下二錢。

黃米丸黃米丸

治水蠱

乾絲瓜一條，去皮剪碎，和巴豆肉十四粒同炒，以巴豆色黃為度，去巴豆。又以陳倉米如絲瓜之多少，入瓜內同炒，米黃色，去瓜取米為末。

右，水丸梧子大，每湯下百丸，數服即愈。蓋絲瓜如人脈絡，引巴豆之氣入皮膚也。

漆雄丸漆雄丸

治水蠱

生漆一兩，鍋內鎔化，麻布絞去滓，復入鍋內熬乾 雄黃一兩，研末

右為末，酢糊和丸梧子大。每四丸，麥芽湯吞下。

煨腎丸 丹溪下同 煨腎丸〈丹溪下同〉

治「脾虛，邪水流注，腰膝浮腫而痛。」

甘遂生，五錢， 《木香》一兩。

右為末，每一錢，豬腰子一枚，剝開去筋膜，糝藥在內，薄荷葉裹定，外用濕紙四五重，慢火煨熟，臨臥細嚼，溫酒送下，利去黃水為度。

退腫塌氣散退腫塌氣散

治積水驚水，或飲水過多，積於脾，故四肢腫而外熱。

赤小豆、 陳皮、 蘿蔔子炒，各二錢 甘草一錢 木香五分

右剉，作一貼，入薑三片，棗二枚，水煎服。

葶藶木香散 正傳 葶藶木香散〈正傳〉

治水腫腹脹，小便赤，大便滑泄。

白朮、 葶藶、 豬苓、 赤茯苓各一兩， 木香、 澤瀉、 木通、 桂皮、 甘草各五錢， 滑石三兩。

右為末，白湯調下三錢。

桂朮湯 直指方下同 桂朮湯〈直指方下同〉

治氣分腫

桂皮一錢五分，白朮、麻黃去根節，細莘甘草各一錢，枳殼 乾薑各七分半。

右剉，作一貼，薑五片，水煎服。

桂苓湯桂苓湯

治血分腫

桂皮 赤茯苓 當歸 川芎 赤芍藥 蓬朮 三稜 桑白皮 檳榔 蒼朮 大腹皮 青皮 陳皮 瞿麥穗 甘草各五分 葶藶隔紙炒 大黃煨，各二分半

右剉，作一貼，入薑五片，水煎服。

丹房奇術 **醫鑑** 丹房奇術〈醫鑑〉

治腹腫不服藥

「巴豆研去油，四錢 水銀粉二錢 硫黃生」，一錢

右同研成餅，先用新綿一片布臍上，次以餅掩之，外用帛縛如人行三五里許，自然瀉下惡水，待下三五次去藥，以粥補之。久患者隔日取水，一餅，可救二三十人。

塗臍膏 得效方 塗臍膏〈得效方〉

治水腫小便絕少

地龍生研 豬苓、 甘遂、 鍼砂各五錢。

右為末，搗蔥涎調成膏，敷臍中約一寸，以絹帛束之，以小便多為度，日兩易之。

消河餅 醫鑑下同 消河餅〈醫鑑下同〉

治水腫膨脹

大田螺四箇。 大蒜五箇。 《車前子末》三錢。

右研成餅，貼臍中，以手帕縛之，少時尿出如注，一二餅即愈。

加減胃苓湯加減胃苓湯

治浮腫

蒼朮一錢五分 陳皮、 澤瀉、 白朮、 赤茯苓、 木瓜各一錢 厚朴薑汁製 豬苓、 神麩、 檳榔各八分
山楂肉、 縮砂各七分 大腹皮、 香附子薑汁炒，各六分 甘草炙，三分

右剉，作一貼，入薑三片，燈心一團，水煎服。

四苓五皮湯四苓五皮湯

治浮腫

桑白皮 陳皮 地骨皮 茯苓皮 生薑皮 大腹皮 蒼朮
白朮 澤瀉 豬苓 青皮 車前子炒，各一錢

右剉，作一貼，水煎服。

集香湯 直指方下同 集香湯〈直指方下同〉

治虛腫，先用此以透關絡，然後審證療之。

木香， 藿香， 川芎， 赤茯苓， 檳榔， 枳殼，
甘草各三錢， 沉香， 丁香各二錢， 麝香一字， 乳
香一錢五分。

右為粗末，每服三錢，薑三片，紫蘇五葉煎，空心
服。

三仁丸 得效方 三仁丸〈得效方〉

治「水腫喘急，大小便不利。」

榔李仁、 杏仁、 薏苡仁各一兩

右為末，糊丸梧子大，米飲下四五十丸。

椒豉丸 活人 椒豉丸〈活人〉

治浮腫神方

椒目一錢 豉二七粒 巴豆一箇，去皮心，熬

右研細，滴水和丸「菉豆大，溫水吞下三丸或五丸，以微注為度。氣盛者，加巴豆或一箇或三箇。」

海金沙散 東垣 海金沙散〈東垣〉

治脾濕太過，腫脹喘急。

黑丑頭末，一兩五錢，一半炒，一半生 白朮一兩 甘遂五錢。 《海金沙》三錢

右為末，每服二錢，煎倒流水一盞，食前調下。

木香塌氣丸 元戎下同 木香塌氣丸〈元戎下同〉

治單腹脹

丁香、胡椒各二錢， 榔李仁四錢， 蠍尾、木香、檳榔各五錢， 枳實、白牽牛各一兩。

右為細末，飯丸菉豆大，每服十丸至十五丸，陳皮生薑湯任下。

木香散木香散

治單腹脹

木香、青皮、白朮、薑黃、草豆蔻各五錢。阿魏、葶澄茄各一兩。

右為細末，酢糊丸如菉豆大，每服二十九，生薑湯送下。

大異香散大異香散

三稜 蓬朮 青皮 半夏麩 陳皮 桔梗 枳殼炒 藿香 香附炒 益智各一錢五分。甘草炙，五分。

右分作二貼，每貼用水二鍾，生薑三片，棗一枚，煎至一鍾，去查，食遠服。

大半夏湯大半夏湯

半夏 陳皮 茯苓 桔梗 檳榔 甘草各等分。

右剉碎，每服三錢，水一盞半，生薑三片，煎至八分，去查，食前溫服。

人參丸人參丸

治經脈不利，化為水流，四肢悉皆腫滿，名曰「血分」，其候與水相類，若作水治之，非也，宜用此。

人參 當歸 大黃濕紙裏，飯上蒸熟，去紙，切，炒 桂心 瞿麥穗 赤芍藥 白茯苓各五錢

葶藶炒，另研，一錢

右為末，煉蜜丸如桐子大，每服十五丸，加至二三十丸，空心飲湯下。

小溫中丸 丹溪 小溫中丸〈丹溪〉

治脹是脾虛，不能運化，不可下之。

陳皮 半夏湯泡 神麴炒 茯苓各一兩。

白朮二兩 苦參炒 黃連炒，各五錢 香附曬 針砂酢炒紅，各一兩半 甘草三錢

右為末，酢水各一盞，打糊為丸，如桐子大，每服七八十丸，白朮六錢，陳皮一錢，生薑一片，煎湯吞下。虛甚加人參一錢，忌口。病輕者服此丸六七兩，小便長；病甚服一斤，小便始長。

禹餘糧丸 三因方 禹餘糧丸〈三因方〉

治十種水氣脹，膝腫，上氣喘滿，小便不利，但是水氣，悉皆主之。許學士及丹溪皆云：「此方治膨脹之要藥。」

蛇含石大者三兩，「以新鐵銚盛，入炭火中燒，令與銚子一般紅，用鉗取，傾入酢中，候冷取出，研極細 真針砂五兩，先以水淘淨炒乾，入禹餘糧三兩，一處用米酢二升，就銚內煮，酢乾為度，連銚置炭火中燒紅，鉗出，傾藥淨磚地上，候冷研細。」

以三物為主，其次量人虛實入下項。凡治水藥多是取轉，惟此方三物既非大戟、甘遂、芫花之比，又有下項藥扶持之功，故虛人、老人亦可服。

羌活 木香 茯苓 川芎 牛膝酒浸 桂心 白豆蔻炮
大茴炒 蓬朮炮 附子炮 青皮 乾薑炮 三稜炮 白蒺藜
當歸酒浸，各五錢

右為末，入前藥拌勻，以湯浸蒸餅，搥去水，和藥再杵極勻，丸如桐子大。食前溫酒白湯送下三十九至五十丸。忌鹽，一毫不可入口，否則發疾愈甚。但試服藥，即於小便內漩去，不動臟腑，病日去日三服，兼以溫和調補氣血藥助之，真神方也。

木香化滯散 木香化滯散

破滯氣治心腹滿悶

木香 薑黃 青皮去白 縮砂仁去殼 人參 檳榔 白朮
各二錢 白豆蔻去殼 藿香葉 橘皮 大腹子 白茯苓去

皮 白檀香各五分 桔梗五分 甘草炙，四分

右為細末，每服三錢，水一盞半，煎至一盞，稍熱服，食前沸湯點服亦可。忌生冷硬物。

導氣丸導氣丸

治諸痞塞，關格不通，腹脹如鼓，大便祕結，小腸腎氣等疾，功效尤速。

「青皮用水蛭等分同炒赤，去水蛭。 莪朮用蝨蟲等分同炒赤，去蝨蟲。 胡椒用茴香同炒，去茴香。 三稜用乾漆同炒，去乾漆。」 檳榔用蟹螯同炒，去蟹螯。 赤芍用川椒同炒，去川椒 ；乾薑用礞砂同炒，去礞砂。 附子用青鹽同炒，去青鹽。 茺莢用牽牛同炒，去牽牛 ；石菖蒲用桃仁同炒，去桃仁。

右各等分，剉碎，與所製藥炒熟，去水蛭等不用，只以青皮等十味為細末，酒糊為丸，如梧桐子大，每服五十丸，加至七十丸，空心用紫蘇湯送下。

參香散參香散

治一切氣。脾虛作脹痞氣。

人參 官桂 甘草炙，各七分 桑白皮 桔梗 陳皮 枳實麩炒 麥門冬 青皮 大腹皮 半夏各一錢 紫蘇子 白茯苓 香附子

木香各一錢二分。

右作一服，水二鍾，生薑三片，紅棗二枚，煎至一鍾，食前服。

平肝飲子平肝飲子

治「喜怒不節，肝氣不平，邪乘脾胃，心腹脹滿，頭眩嘔逆，脈來浮弦。」

防風 枳殼炒 桔梗 赤芍 桂枝各一錢半 木香不見火
人參 檳榔 川芎 當歸。

陳皮 甘草炙，各八分

右作一服，水二鍾，生薑五片，煎至一鍾，不拘時服。

強中湯強中湯

治「食啖生冷，過飲寒漿，有傷脾胃，遂成脹滿，有妨飲食，甚則腹痛。」

人參 青皮去白 陳皮去白 丁香各二錢 白朮一錢五分、
附子炮去皮臍 草果仁

乾薑炮，各一錢 厚朴薑汁製 甘草炙，各五分

右，水二鍾，薑三片，紅棗二枚，煎一鍾，不拘時服。

敷藥方敷藥方

治腹滿緊硬如石。或陰囊腫大。先嚼甘草後用方。

大戟、 芫花、 甘遂、 海藻各等分。

右為細末，用醞酢調麪和藥，攤於綿紙上，覆貼腫處，仍以軟綿裹住。

草豆蔻湯 東垣 草豆蔻湯〈東垣〉

治腹中虛脹

澤瀉二分 木香三分 神麩炒，四分 半夏泡 枳實麩炒
草豆蔻 黃芪「春夏不用」 益智仁 甘草各五分 青皮
陳皮各六分 白茯苓 當歸各七分

右細切，作一服，加生薑三片，水二大盞，煎至一盞，溫服。冬月加黃芪六七分，春夏止服正藥，食遠服。

葶藶木香散 河間下同 葶藶木香散〈河間下同〉

治「濕熱內甚，水腫腹脹，小便赤澀，大便瀉。此藥下水濕腫脹，止瀉利小便。」

葶藶子、 茯苓、 豬苓、 白朮土炒，各二錢五分，
木香、 澤瀉、 木通、 甘草各五分， 桂二錢半 滑
石三兩

右為極細末，每服三錢，白湯調下，食前服。

白朮木香散

治「喘嗽腫滿，欲變成水病者，不能臥，不敢多食，小便閉而不通。」

滑石 陳皮去白，各二錢 白朮 豬苓 澤瀉 甘草 木通 赤苓各五分 官桂二分 木香 檳榔各三分

右細切，作一服，加生薑三片，水一盞半，煎至一盞，溫服。

二氣散

治水氣蠱脹滿悶

白丑、 黑丑各二錢。

右為細末，外用大麥麵四兩，同一處拌勻，做燒餅，臨臥用茶清一盞下，降氣為驗。

家傳正氣散 **醫鑑下同** 家傳正氣散〈醫鑑下同〉

治心腹脹滿。或出遠方。不服水土。

蒼朮、 陳皮 厚朴 藿香葉 半夏 烏藥、 枳殼、
香附各一錢， 大腹皮八分， 甘草五分。

右剉，生薑、棗子煎服。

行濕補氣養血湯行濕補氣養血湯

治氣血虛弱，單鼓腹脹浮腫。

人參。 大補元氣 白朮。 補脾 白茯苓。

滲濕 當歸。 養血 川芎。 行血

蘇梗。 利氣 白芍。 斂脹 陳皮。

泄滿 《厚朴》。 寬脹 大腹皮： 寬

膨 《木通》。 利水 萊菔子。 消

食 木香： 運氣 《海金沙》： 利水

甘草。 調諸藥扶胃氣

右剉散薑棗煎服

消脹飲子消脹飲子

治蠱脹單腹脹

白茯苓 豬苓 澤瀉 人參 白朮 半夏 陳皮 青皮
厚朴 紫蘇葉 香附 砂仁 木香 檳榔 大腹皮 木通
萊菔子炒。

甘草各等分。

右剉，生薑五片，棗一枚，煎服。

金陵酒丸金陵酒丸

治鼓腫

沉香、牙皂、檳榔各一兩，木香二兩五錢。

右為末，用金陵燒酒浸十次，曬乾，京酒為丸，每服三錢，重者四錢，五更燒酒送下。《水鼓》，水自小便而出，氣鼓放屁，水鼓加苦葶藶五錢，炒酒送下再服。

調胃散調胃散

治腹脹

蒼朮 白朮 茯苓 白芍藥 桔梗 紫蘇 檳榔 陳皮
甘草。

右為末，生薑棗湯調服。

金蟾散金蟾散

治氣鼓如神

大蝦蟇一箇。

右以砂仁推入其口，使吞入腹，以滿為度，用泥罐封固，炭火煨令透紅，煙盡取出，候冷，去泥研末，為一服，或酒或陳皮湯下，候撒屁多，乃見其效。

牛皮丸牛皮丸

治「腹中水響如雷，上攻即嘔吐，胸膈脹滿，或手足作腫。」

黑丑頭末、 木香、 陳皮各九錢。

右為末，黃蠟化為丸，如梧桐子大。每服三十丸，黃酒送下。

蘇沉破結湯蘇沉破結湯

治腹脹滿

紫蘇、 薄荷、 枳實、 麥冬、 當歸、 川芎。

大黃 木通、 甘遂、 白殭蠶 牙皂 生薑 細茶各一錢， 白豆蔻 木香、 沉香末各五分。

右作二服，水煎，五更早服。忌口。

回生丹回生丹

治浮腫腹脹退腫

青皮麩炒 陳皮、 三稜 莪朮 連翹用巴豆去

殼兩半，於砂鍋同炒，入 木香、 商陸、 甘遂炒 澤瀉、 木通、 乾漆炒煙盡、 蘿蔔子炒各三錢 胡椒炒一錢 赤茯苓、 桑皮炒、 椒目炒各五錢 黑牽牛一兩生

右為末，酢糊為丸，如菉豆大，每服十五丸至二十九丸，第一服用生蔥二十四根搗碎，同溫酒五更下，第二服用陳皮、桑白皮煎湯，第三服用射干湯下。切忌食鹽。

推車丸推車丸

治「水腫、氣腫、單腹脹。」

沉香 木香 巴豆半生半熟 胡椒各一錢，炒

右為末，棗肉為丸，如梧桐子大，每服五六十丸，消上用蔥白搗爛，熱酒下，消中用陳皮湯下，消下用牛膝湯下，去三五次，不補自止，後用《十皮散》。

導水餅導水餅

治腫脹不服藥。自去水。

水銀粉二錢 巴豆去油，四錢 生硫黃一錢

右三味，研成餅，令勻。先用新綿一塊鋪臍上，次以餅當臍掩之，外用帛縛如人行三五里，自然瀉下惡水。待行三五次，除去藥，以溫白粥補之。

消河餅消河餅

治水腫膨脹

大田螺四箇 大蒜去皮，五箇 車前子末，三錢

右三件，研成餅，貼臍中，以手帕縛之。貼藥後，少頃小便出，一二餅即愈。

復元丹 三因方 復元丹〈三因方〉

治「脾腎虛寒，發為水腫，四肢虛浮，心腹堅脹，小便不通，兩目下腫。」

附子炮，二兩 木香煨 茴香炒 川椒炒出汗 厚朴薑製
獨活 白朮炒 橘紅 吳茱萸炒 桂心各一兩 澤瀉一兩
五錢 肉豆蔻煨

檳榔各五錢。

右為末，糊丸桐子大，每服五十丸，紫蘇湯下，不拘時。

四苓散四苓散

治腹脹小便不利

白朮、 豬苓、 茯苓各七錢半， 澤瀉一兩一錢半。

右為粗末，每服二錢，白湯調下，日三服。。



本作品在全世界都属于**公有领域**，因为作者逝世已经超过100年，并且于1929年1月1日之前出版。



本作品原文沒有標點。標點是人工智能程序[古詩文斷句 v2.1](#)創建，並且經由維基文庫用戶編輯改善的。本站用戶之編輯以[知識共享 署名-相同方式共享 4.0协议 \(CC BY-SA 4.0\)](#) 發佈。



歡迎各位持續修正標點，請勿複製與本站[版權協議](#)不兼容的標點創作。

About this digital edition

This e-book comes from the online library [Wikisource](#)^[1]. This multilingual digital library, built by volunteers, is committed to developing a free accessible collection of publications of every kind: novels, poems, magazines, letters...

We distribute our books for free, starting from works not copyrighted or published under a free license. You are free to use our e-books for any purpose (including commercial exploitation), under the terms of the [Creative Commons Attribution-ShareAlike 3.0 Unported](#)^[2] license or, at your choice, those of the [GNU FDL](#)^[3].

Wikisource is constantly looking for new members. During the realization of this book, it's possible that we made some errors. You can report them at [this page](#)^[4].

The following users contributed to this book:

- Kwj2772
- Jdx
- Rocket000
- Santoposmoderno
- HereToHelp
- Victormoz

- Srittau
- Boris23
- KABALINI
- Bromskloss
- Tene~commonswiki
- AzaToth
- Bender235
- PatríciaR
- Dbenbenn

-
1. [↑ https://wikisource.org](https://wikisource.org)
 2. [↑ https://www.creativecommons.org/licenses/by-sa/3.0](https://www.creativecommons.org/licenses/by-sa/3.0)
 3. [↑ https://www.gnu.org/copyleft/fdl.html](https://www.gnu.org/copyleft/fdl.html)
 4. [↑ https://wikisource.org/wiki/Wikisource:Scriptorium](https://wikisource.org/wiki/Wikisource:Scriptorium)